

續修四庫全書

《續修四庫全書》編纂委員會編

續修四庫全書

上海古籍出版社

一六九四・集部・詩文評類

主客圖一卷	〔唐〕張爲撰	附圖考一卷	〔清〕袁甯珍撰	二一		
文鏡秘府論六卷	〔唐〕日釋遍照金剛撰			二一		
陳學士吟窓雜錄五十卷	題〔宋〕陳應行編			一四三		
梅礪詩話三卷	〔宋〕章居安撰			四四七		
艇齋詩話一卷	〔宋〕曾季狸撰	校謄一卷	〔清〕胡珽撰	續校一卷	〔清〕董金鑑撰	四八三
深雪偶談一卷	〔宋〕方嶽撰					五一七
詩法正宗一卷	〔元〕揭傒斯撰					五二三
詩宗正法眼藏一卷	〔元〕揭傒斯撰					五二七
吳禮部詩話一卷	〔元〕吳師道撰					五三一
蓮堂詩話二卷	〔元〕祝誠撰	校謄一卷	〔清〕胡珽撰	續校一卷	〔清〕董金鑑撰	五五九
歸田詩話三卷	〔明〕瞿佑撰					六〇三

主客圖

附圖攷

潛樓題

庚申五月刊
桂南昌退廬

主客圖

唐 袁州 張養三

廣大教化主

白居易

含沙射人影雖病人不知巧言誣人罪至死人
不疑撥蠹殺愛子掩鼻戮寵姬宏恭陷蕭望趙
高謀李斯陰德既必報陽禍豈虛施人事雖可
罔天道終難欺明即有刑辟幽即有神祇苟免
勿私喜鬼得而誅之

厚地植桑麻所要濟生民生民理布帛所求活

主客圖

豫章叢書

一身身外充征賦上以奉君親國家定兩稅本
意在憂人厥初防其淫明勅內外臣稅外加一
物皆以枉法論奈何歲月久貪吏得因循役我
以求罷歛索無冬春織絹未盈疋繰絲未盈斤
里胥迫我納不許暫逡巡歲暮天地閉陰風生
破村夜深燈火盡霰雪白紛紛幼者形不蔽老
者體無溫悲喘與寒氣併入鼻頭辛昨日輸殘
稅因窺官庫門繒帛如山積絲絮如雲屯號爲
羨餘物隨日獻至尊奪我身上暖買爾眼前恩
進入瓊林庫歲久化爲塵

豫章生深山七年而後知挺高二百尺本末皆
十圍天子建明堂此材獨中規匠人執斤墨采
度將有期孟冬草木枯烈火燎于坡狂風吹猛
焰從根燒到枝作養二十年方成棟梁資一朝
爲灰燼柯葉無孑遺地雖生爾材天不與爾時
不如糞土芝猶有人掇之已矣勿重陳重陳令
人悲勿悲焚燒苦但悲采用遲

赫赫京內史奕奕中書郎昨傳徵拜日恩私顧
殊常貂冠水蒼玉紫綬黃金章佩服身未暖已
聞竄炎荒親戚不得別吞聲泣路旁賓客亦已

主客圖

二

散門前雀羅張富貴來未久倏如瓦溝霜權勢
去尤速譬若石火光不如守貧賤貧賤可久長
傳語宦遊子且來歸故鄉
得意減別恨半酣還遠程

人吏留不得直入故山雲

長生不似無生理休向青山學鍊丹

白髮鑷不盡根在愁腸中

峨嵋山勢接雲霓欲逐劉郎此路迷若似剡中
容易到春風猶隔武陵溪

上入室一人

楊乘

豎子未鼎烹大君尙肝食風雷隨出師雲霞有
戰色犒功椎萬牛募勇懸千帛武士日曳柴飛
將競執馘喜氣迎捷書懽聲送羽檄天兵日雄
強桀犬稍離析賊臂旣已斷賊喉旣已搯樂禍
但鯨鯢同惡爲肘腋小大勢難倖逆順初不敵
違命固天亡恃險垂長策蠱毒久萌芽狼顧非
日夕禮貌忽驕狂疏奏遂指斥動衆豈佳兵含
恐恐無益鴻恩旣已孤小效不足惜腐儒一鉛
刀投筆時感激帝閭不敢干戚戚坐長晝

主客圖

三

入室三人

張祜

萬國見清道一身成白頭

此地榮辱盛豈宜山中人

葛溪謾淬張家劍却是猿聲斷客腸

書空疑未決卓地計初成

春申還有三千客寂寞無人報李園

羊士諤

風泉留古溜笙聲想遺音

桂朽有遺馥鸞飛安可待

塵沙藹如霧長波驚颺度雁起汀洲寒馬嘶高
城暮銀缸倦秋館綺瑟膽永路重有携手期清
光倚玉樹

元稹

屈指貞元舊朝士幾人同見太平春
兒歌楊柳葉妾拂石榴花

遠路事無限相逢惟一言月色照榮辱長安千

萬門

升堂三人

盧仝

主客圖

句闕

顧況

汀洲渺渺江離短疑是疑非兩斷腸

巫峽朝雲暮不歸洞庭春水晴空蒲

蘋垣化爲波陸地堪乘舟

大姑山盡小姑出月照洞庭行客船

沈亞之

句闕

及門十人

費冠卿

句闕

皇甫松

燕相謀在茲積金黃巍巍上者欲何顏使我千
載悲

勸僧一杯酒共看青青山酣然萬象滅不動心
卽閑

殷堯藩

吳宮愛歌舞夜夜醉嬋娟見日吹紅燭和塵掃
翠鈿徒令句踐霸不信子胥賢若問長洲草荒
涼無限年

主客圖

五

官女三千去不回眞珠翠羽是塵埃夫差舊國

久破碎紅燕自歸花自開

暮烟葵葉屋秋月竹枝歌

欲射狼星把弓箭休將螢火讀詩書

施肩吾

年來如拋梭不老應不得

憶昔將貢年抱愁此江邊魚龍互閃爍白浪高
于天今日步青草還來經此道江神也世情爲
我風色好

周光範

誰云嵩上烟隨雲倚碧落

莫怪西陵風景別鏡湖花草爲先春

祝天膺

句曲舊真宅自產日月英旣涵岳瀆氣安無神

仙名松桂邈迤色與君相送情

兩頷凝清霜玉鑪焚天香爲我延歲華得入不

死鄉

蟾蜍夜作青冥鏡蟬蜩晴爲碧落梯好箇分明

天上路誰教移入武陵谿

霧紋斑似豹水力健如龍

主客圖

六

徐凝

青山舊路在白首醉還鄉

試到第三橋便入千頭花

高景爭來草木頭一生心事酒前休山公自是

山人侶携手醉登城上樓

朱可名

廢斲鏡湖田上書紫閣前愁人久委地詩道未

聞天不是燒金手徒拋釣月船多慙兄弟意不

敢問林泉

陳標

杜甫在時食入蜀孟郊生處却歸秦如今始會

麻姑意借問山川與後人

童翰卿

大槩逐物盡哀哉天地功爭得榮辱心洒然歸

西風

高古與逸主

孟雲卿

羣物歸大化六龍頽西荒

安知浮雲外日月不運行

孤兒去慈親孤客喪主人莫吟辛苦曲此曲誰

主客圖

七

忍聞可聞不可說去去無期別行人念前程不

待參辰沒朝亦常苦饑暮亦常苦饑飄飄萬里

餘貧賤多是非少年莫遠行遠行多不歸

上入室一人

韋應物

欲持一瓢酒遠寄風雨夕

萬籟自生聽大空長寂寥還從靜中起却向靜

中銷

山深松子落幽人應未眠

舟泊南池雨簾捲北樓風

入室六人

李賀

飛香芝紅滿天春

酒酣喝月使倒行

踞天磨刀割紫雲

杜牧

烟着樹姿嬌雨餘山態活

四海一家無一事將軍携劍泣霜毫

山密斜陽多人稀芳草遠

仙掌月明孤影過長門燈暗幾聲來

主客圖

八

李餘

長安東門別立馬生白髮

霽後軒蓋繁南山瑞烟發

嘗憂車馬煩土薄聞水聲

劉猛

月生十五前日望光采圓月滿十五後日畏光

采瘦不見夜光色一尊成暗酒匣中苔背銅光

短不照空不惜補明月慙無此良工

自念數年間兩手中藏鉤於心且無恨他日爲

我羞古老傳童歌連淫亦兵象夜夢戈甲鳴苦

主客圖

不願年長

朝梳一把白夜淚千滴雨可耻垂拱時老作在

家女

李涉

但將鐘鼓悅私愛肯以犬羊爲國羞

尼父未適魯屢屢倦迷津徒懷教化心紆鬱不

能伸一遇知己言萬方始喧喧至今百王則孰

不挹其源

胡幽貞

一朝入紫宮萬古遺芳塵至今溪邊花不敢嬌

主客圖

九

青春

海色連四明仙舟去容易天籍豈輒問不是卑

朝士

升堂六人

李觀

句闕

賈馳

河上微風來關頭樹初溼今朝關城吏又見孤

客入上國誰與期西來徒自急

東風吹曉霜雪鳥雙雙來

李宣古

冉冉池上烟盈盈池上柳生貴非道傍不斷行人手

翠蓋不西來池上天池歌

曹鄴

欺暗常不然欺明當自戮難將一人手掩得天下目

岐路不在天十年行不至一旦公道開青雲在平地枕上數聲鼓衡門已如市白日探得珠不待驪龍睡忽忽出九衢童僕顏色異故衣未及

主客圖

十

換尚有去年淚晴陽照花影落絮浮野翠對酒時忽驚猶疑夢中事自憐孤飛鳥得接鸞鳳翅永懷共濟心莫起胡越意

劉駕

馬上續殘夢馬嘶時復驚心孤多所虞僮僕近

我行

只恐塞上山低于沙中骨

蒲帆出蒲去但見蒲邊樹不如馬上郎馬跡猶在路大舟不相載買宅令妾住莫道留金多本

非愛郎富

孟遲

紅映樓臺綠繞城城邊春草傍牆生隋家不向此中盡汴水應無東去聲

天地有時饒一擲江山無主合平分

冷月微烟渭上愁華清宮樹不勝秋霓裳一曲

千門鎖白盡梨園弟子頭

及門二人

陳潤

丈夫不感恩感恩甯有淚心頭感恩血一滴染天地

主客圖

十一

韋楚老

一從黃帝葬橋山碧落千門鎖元氣

清奇雅正主

李益

閒庭草色能留馬當路楊花不避人

筇簫漢思繁旌旗邊色故

馬汗凍成霜

上入室一人

蘇郁

十二樓藏玉璫中鳳皇雙宿碧芙蓉流霞淺酌

誰同醉今夜笙歌第幾重

吟倚雨殘樹月收山下村

入室十人

劉敞

未秋雲木輕蓮折晚香清雨下侵苔色雲涼出
浪聲疊帆依岸盡微照夾堤明渡吏已頭白遙
知客姓名

殘陽來霽岫獨興起滄州

僧清塞

兩髻已垂白五湖歸釣魚

主客圖

三

夜濤驚柵鏤寒葦露船燈

谷水生茶味林風減扇聲

磬徹遠巢禽

伊流背衲客岳響答清猿

盧休

春寒酒力遲冉冉生微紅

自然草木性誰祝元化功

湓浦風生破膽愁

血染劍花明帳幕三千車馬出漁陽

入門堪笑復堪憐三徑苔荒一釣船

主客圖

于鵠

送死多于生幾人得終老

楊洵美

暮鴉不噪禁城樹衙鼓未殘賓衛秋

三山載羣仙峨峨鹹浪中雲衣剪不得此路要
可從我生亦何事出門如飛蓬白日又黃昏所
悲瑤草空蟲聲故鄉夢枕上禾黍風吾道如未
喪天運何時通

張籍

蕃漢斷消息死生長別離

主客圖

三

長干送人處憶得別家時

流光暫出還入地使我年少不須臾

採樵莫採松與栢松栢生枝堅且直與爾作屋

成家宅

楊巨源

何事慰朝夕不踰詩酒情山河空道路蕃漢共

刀兵禮樂新朝市園林舊弟兄向風一點淚塞

晚暮江平

楊敬之

霜樹烏栖夜空街雀報明

碧山相倚暮歸雁一行斜

僧無可

白閣未歸日青門又值春

半天傾瀑溜數郡見廬峰

姚合

移花兼蝶至買石得雲饒

揮劍龍纏臂開旗火滿身

家中去城遠日月在船多

身慙山友棄膽賴酒盃扶

升堂七人

主客圖

方干

山木又搖落望君還不還軒車何處去雨雪滿

前山思苦寒星動鄉搖釣渚間明年見名字惟

我獨何顏

細泉出石飛難盡孤燭和雲溼不明何事懶于

嵇叔夜更無書札荅公卿

枯井夜聞鄰果落廢巢寒見別禽來

馬戴

露氣寒光盡微陽下楚邱猿啼洞庭樹人在木

蘭舟

夜久遊子息明月岐路閑

却憶軒義日無人尙戰功

任蕃

無語與春別細看枝上紅

賈島

夜半長安雨燈前越客吟

島嶼夏雲起汀洲芳草深

秋風吹渭水落葉滿長安

山鍾夜渡空江水汀月寒生古石樓

舊國別多日故人無少年

主客圖

厲元

邊草早不春劍光增野塵戰場收驢尾清翰怯

龍鱗帆色起歸越松聲厭避秦幾時逢范蠡處

處是通津

項斯

佳人背江坐眉際列烟樹

馬蹄沒青莎船迹成空波

春風吹雨意何處更相值

燭殘催卷席坐冷怕梳頭

寒入雁聲長

薛壽

句闕

及門八人

僧良父

風泉只向夢中聞
身外無餘可寄君
當戶一輪惟曉月
挂簷數片是秋雲

潘誠

棧踏猿聲暮江看
劍影秋僧老白雲
上磬寒高鳥邊心
已同猿狖不聞人
是非

主客圖

去

三更獨立看花月
只欠子規啼一聲

行人渡流水白馬
入前山

秋深雪滿黃雲塞
夜夜鴻聲入漢陽

于武陵

白日不西落紅塵
應亦深

青山如有利白石
亦成塵

四海少平路千川
無定波

詹雄

塵飛遺恨盡花落
古宮平

紅粉笙歌人代遠
月明陵樹水流東

衛準

莫言閑語是閑語
往往事從閑語來
何必剃頭爲弟子
無家便是出家人

僧志定

惟有尊前今夜月
當時曾照墮樓人
梧桐葉落蟬聲死
一夜洞庭波上風

喻鳧

顏凋明鏡覺思苦
白雲知滄洲遠釣
隱紫閣負僧期
酬難塵髻皓坐久
壁燈青

主客圖

七

滄洲未歸迹華髮
受恩心

朱慶餘

滿酌勸童僕好隨
郎馬蹄春風慎行
李莫上白

銅鞮

古巷戟門誰舊宅
早曾聞說屬官家
更無新燕來巢屋
惟有閒人去看花
空廡欲摧塵滿檻
小池初涸草侵沙
繁華事歇皆如此
立馬踟躕到日斜

日斜

清奇僻苦主

孟郊

青山礪爲塵白口無間人

食齋腸亦苦強歌聲無歡

欲知萬里情曉卧半牀月

上入室二人

陳陶

蟬聲將月短草色與秋長

比屋歌黃竹何人撼白榆

周朴

古陵寒雨絕高鳥夕陽明

高情千里外長嘯一聲初

主客圖

六

及門二人

劉得仁

吟苦曉燈暗露染秋草疎舊山多夢到流水送

愁餘

風定一池星

李溟

喬木挂斗色水驛壞門開向月片帆去背雲行

雁來晚年名利跡甯免路岐哀前計不能息若

爲元鬢回

博解宏拔主

鮑溶

躍馬非壯歲報恩無高功斯言化爲火日夜焚

深衷

天王委管籥開閉奏此門頂戴日月光口宣雨

露言

萬里秋雲多一身天地窄

上入室一人

李羣玉

句闕

入室二人

主客圖

九

司馬退之

句闕

張爲

句闕

褒奇美麗主

武元衡

句闕

上入室一人

劉禹錫

故國思如此若爲天外心

湖上收宿雨

故人日已遠窗下塵滿琴坐對一壺酒恨多無力斟
暮靄螢色迥露重月華深萬境與羣籟此時情豈任

禪思何妨在玉琴眞僧不見聽時心秋堂境寂夜方半雲去蒼梧湘水深

入室三人

趙嘏

一千里色中秋月十萬軍聲半夜潮

梁王舊館已秋色珠履少年輕繡衣

主客圖

主

滿樓春色傍人醉半夜雨聲前計非

三千宮女自塗地十萬人家如洞天

長孫佐輔

愁臉無紅衣滿塵萬家門戶不容身曾將一笑

君前去謾殺幾多回顧人

曹唐

簫聲欲盡月色苦依舊漢家宮樹秋

看却龍髯攀不得九霞零落鼎湖宮

一曲哀歌茂陵道漢家天子葬秋風

誰知漢武無仙骨滿竈黃金成白烟

升堂四人

盧頻

春淚爛綺羅泣聲抽恨多莫滴芙蓉池愁傷連蒂荷

一朵花葉飛一枝無光彩美人惜花心但願春長在

陳羽

句闕

許渾

水聲東注市朝變山勢北來宮殿高

主客圖

主

草生官闕國無主玉樹後庭花爲誰

何郎翠鳳雙飛去三十六宮聞玉簫

經年未葬家人散昨日因齋故吏來

垂釣有深意望山多遠情

張蕭遠

秦雲寂寂僧還定盡日無人鹿繞牀

日暮風吹官渡柳白鴉飛出石頭墻

雙雙白燕入祠堂

及門五人

張陵

句闕

章孝標

明日鑒輿欲向東守官金翠帶愁紅九門佳氣

已西去千里花開一夜風

雍陶

句闕

周祚

莫道春花燭照人愁花未必怯青春四時風雨

沒時節共保松筠根底塵

袁不約

主客圖

主

愁聲秋繞杵寒色碧山歸

送將歡笑去收得寂寥歸

補遺

景審

暮鴉不噪禁城樹衙鼓未殘兵衛秋

圖攷

宜春 袁甯珍 輯

廣大教化主白居易

上入室楊 乘

入室張 祐 羊士譔 元 稹

升堂盧 仝 顧 況 沈亞之

及門費冠卿 皇甫松 殷堯藩

施肩吾 周元範 祝天膺

徐 凝 朱可名 陳 標

童翰卿

圖攷

一 豫章叢書

白居易字樂天下邦人貞元中擢進士第補校書

郎元和初對制策入等調整厓尉集賢校理歷翰

林學士江州司馬忠州杭蘇二州刺史歷遷刑部

侍郎會昌初以刑部尚書致仕卒贈尚書右僕射

諡曰文貞號醉吟先生亦稱香山居士與同年元

稹酬詠號元白與劉禹錫酬詠號劉白長慶集二

十卷後集十七卷別集補遺二卷

楊乘馮翊人發之子大初中登進士第終殿中侍

御史發兄弟四人與諸羣從皆以文學登高第時

號修行楊家

張祐字承吉清河人以官詞得名長慶中令狐楚表薦之不報辟諸侯府多不合自劾去嘗客淮南愛丹陽曲阿地築室卜隱集十卷

羊士諤泰山人登貞元元年進士第累官宣歙巡官元和初拜監察御史坐誣李吉甫出爲資州刺史詩一卷

元稹字微之河南河內人幼孤母鄭賢而文親授書傳舉明經書判入等補校書郎元和初制策第一除左拾遺歷監察御史累官承旨學士進工部侍郎同平章事未幾罷相出爲同州刺史太和初

圖攷

二

入爲尚書兼鄂州刺史武昌軍節度使卒贈尚書楨自少與白居易倡和當時言詩者稱元白號爲元和體其集與居易同名長慶二十八卷

盧仝范陽人隱少室山自號玉川子徵諫議不起韓愈爲河南令愛其詩厚禮之後因宿王涯第罹甘露之禍詩三卷

顧況字逋翁工詩詞兼善小筆志尙疎逸時宰欲以好官命之不就後吳中言得道解去子非能登第有詩名

沈亞之字下賢吳興人元和十年登第終鄂州掾

集九卷

費冠卿字子軍池州人元和登第母卒嘆曰干祿養親得祿而親喪何以祿爲遂隱池州九華山長慶中殿院李修行舉其孝節召拜右拾遺不赴集一卷

皇甫松新安人湜之子自號檀欒子殷堯藩蘇州嘉興人元和中登進士第辟李錡長沙幕府加監察御史又嘗爲永樂令詩一卷施肩吾字希聖洪州人元和十年登第隱洪州之西山爲詩奇麗西山集十卷

圖攷

三

周元範一作元範句曲人

祝天膺一作元膺句曲人與段成式同時

徐凝睦州人元和中官至侍郎

朱可名越州人會昌進士及第終長安令

陳標長慶二年登進士第終侍御史

童翰卿大中咸通間人

高古與逸主孟雲卿

上入室韋應物

入室李賀杜牧李餘劉猛

李涉胡幽貞

升堂李 觀 賈 馳 李宣古 曹 鄴

劉 駕 孟 遲

及門陳 潤 韋楚老

孟雲卿河南人一作武昌人登進士第爲校書郎與杜

甫元結友

韋應物京兆長安人少以三衛郎事明皇晚更折

節讀書歷任滁州江州蘇州刺史性高潔所在焚

香掃地而坐唯顧況劉長卿郎丹素系皎然之傳

得厠賓客與之酬唱其詩閒澹簡遠人比之陶潛

稱陶韋云集十卷

圖攷

四

李賀字長吉系出鄭王後七歲能辭章韓愈皇甫

湜始聞未信過其家使賀賦詩援筆輒就自目曰

高軒過二人大驚自是有名賀每旦出騎弱馬從

小奚奴背古錦囊遇所得書投囊中及暮歸足成

之率爲常以父名晉肅不肯舉進士詩尙奇詭絕

去畦徑當時無能效者樂府數十篇雲韶諸工皆

合之絃管仕爲協律卒年二十七詩四卷外集一卷

杜牧字牧之京兆萬年人太和二年擢進士第復

舉賢良方正沈傳師表爲江西團練府巡官又爲

牛僧孺淮南節度府掌書記擢監察御史歷黃池

睦三州刺史復爲湖州刺史踰年拜考功郎中知

制詰遷中書舍人牧剛直有奇節不爲齷齪小謹

論列大事指陳利病尤切其詩情致豪邁人號爲

小杜以別甫云樊川詩四卷外集一卷別集一卷

李餘蜀人工樂府登長慶三年進士第

劉猛梁州進士與元稹同時

李涉洛陽人初與弟渤同隱廬山後應陳許辟憲

宗時爲太子通事舍人尋謫峽州司倉參軍太和

中爲太學博士復流康州自號清溪子集二卷

胡幽貞四明人自號無生居士

圖攷

五

李觀字元賓趙州人貞元八年進士宏詞擢第授

太子校書郎集三卷

賈馳與曹鄴同時

李宣古字垂後會昌三年進士第

曹鄴字業之一作鄴桂州人登大中進士第由太平

幕府遷太常博士歷洋州刺史詩二卷

劉駕字司南江東人登大中進士第官國子博士

孟遲字遲之一作升平昌人登會昌五年進士第

陳潤大厯間人終坊州郿城縣令

韋常一作楚老長慶進士官拾遺